

Zeitschrift: Nebelspalter : das Humor- und Satire-Magazin
Band: 78 (1952)
Heft: 4

Werbung

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 15.05.2025


ETH-Bibliothek Zürich, E-Periodica, <https://www.e-periodica.ch>

Dr Schtellverträter

Es ma so im Vierzgi sy gsy, wo mir z Raron der Flugplatz ghüetet hei. Zmitts i dä Diensch isch Fronlychnam gfall. Scho am Tag vorhär hets im Dörfli grumoret. A verschiedene n Orte hei d Walser Altär mit Chries u Papierrose zwäggmacht. O vorem Kumpanybüro isch sonen Altär härecho. Am Sunndig aber, scho in aller Früechi, het men überall jungi Walsersoldate gwaa-ret, wo uf der Schläge vorem schwarze Hüttli d Schue u d Wafferöck putzt u sech schön gmacht hei, wie wes en Inschpäktion vom Divisionär sött gää. D Frauen u d Meitscheni sy i der Tracht derhär cho u n alls het sech druuf bim Dorfplatz nide gsammet. Wo d Zyt isch nache gsy, hei se sich ygschtellt, vora d Soldate mit ufplanztem Bajonnet u der Oberlütentant mit zognem Sabel. U si hei sech wie z sämegnoo, das ömel ja d Gweerhaltig e Gattig machi. 'Da wölle siis de mit de Bärner no grad uf-nää u das für gwüß.' Derna hei d Musi-kanten agschlosse u wil nid alli hei chönne mitcho, hei die Wenigen umso luter pfuuret. U drufache die jungen u alte, chlynnen u große Walser. - Schön isch das Bild gsy, wie si sy derhär cho. Vo dene chlynne Chnüdere, wo süsch no d Schnudernasen mitem Ermel ab-wüsche un jetz eso gsatzli un ordeli derhärtrappele, vo dene junge Meiteli u Jumpfere, wo mit rotem Grindschi z Bode gluegt hei, wil linggs u rächts üser Bärner Soldate der Wäg gsoumet hei, vo denen abgwärchete Grosmü-teni, wo glücklich u gläubig am Rose-chranz umegniflet hei. Gschört hei eim nume die paar Babeni, wo gmeint hei, Tracht syg für seye nid vürnäam gnue u derfür irget es billigs Fäändli hei um-ghänt gha.

Zerscht isch der Zug dene Altär im undere Dörfli naa u bi jeder Schtation het me sich gschellt u gsungen u bbät-tet. Nachhär isch me der Schutz uf cho. Der Musig isch süferli der Schnuuf us-gange u mi hets nume no hübscheli ghöre brümlen u bätte.

Use Kumpanytockter u ni schtande vorem Büro usse u wei der Sach o zue-gschoue. Uf ds Mal seit dä halblut zue mer: 'Dert dä Walser Oberlütentant vor dranne het no mit mer gschtdiert.' Dermit isch er d Schtägen achen u die beide hei enand grüefst. Wäreddem der Pfaarer vor em Altär zueche chneu-et, sy die beiden e chly uf d Syte gschtdanden u hei zsäme hübscheli ddor-fet, wies öppe so alti Schtudiefründe tüe. U da vernimmt du üse Tockter, wie



Der Internist von Schwamendingen

sie Päch heige, die Walser. Grad ge-schter heig si dä, wo süscht tüei orgele, mit dem Bieli wüescht i d Finger ghoue un jetz chönn niemmer schpilen i der Chilche. Wie de das usehömm mit der Mäss, das chönn är si nid vorschtele. - 'Jä, wägem orgele, das chönnt är dest-wäge scho', meint jetz üse Tockter, 'aber wenn das er de da müefst schpile u wenn nid, da wän är si de nüt chünndts.' 'Das wöll er iim de scho zwüsse tue', git der von Rodt Bscheid, der Walser Offizier. - - Drufachen isch Prozässion wyter zdüuf, der Chilche zue u d Walser hei d Häls gschtreckt u gratiburgeret, warum das ächt jetz näb irem Oberlütentant no ne Bärner Offizier mitchömi. I der alte eerwürdige Chilche mit dene mittelalterliche Freske vom Jüngschte Gricht hei se sich gsädlet. Aber wo du dä Bärner Oberlütentant no uf ds Orgelebänkli uechechlätteret, hets eme Teil vo dene Wybervöchlchli vor Gwunder doch schier ds Chittelbrüschli verschprängt u di alti ledigi Monika het völlig vergässe, göb si eietlich ds Vaterunser änenus bättet heig u göb

si es Chrälli am Rosechranz tört vürers-rütsche.

Un jetz ruuschet erhaben u mächtig ds Introitus dür d Chilche us. Druf chunnt ds Schtaffelgebätt un üsen Organischt het Zyt, d Note für ds Kyrie fürezsueche. Sy Walliserkamerad het im Chilchechor mitgsunge u sich näbe der Orgele poschtiert. Jedesmal, we die het müessen ysetze, het er dem Tockter e Mupf ggää u dä het ume losglaa. Bim Gloria het er alli Regischter zoge u na der Bredig schön süferli Gmeind begleitet bim Credo. Die Sach het guet zsämegschpilt un im Wächsel mit de Gläubige het üsen Organischt mitjubiliert, daf e Freud isch gsy. Bim Hosanna het die Orgele gruuret u gsungen u zwitsche-ret, daf eim völlig tschuderet het düre Rüggen uf.

Un am Schluß, nachdäm ds Fescht verruschet isch gsy u der Tockter mit sym Nachschpili die Lüt no zur Chilchen use gorgelet het gha, scheidt er uf u die beide Kamerade sy ufe Chilchplatz use trappet. Dert sy d Lüt no küppeli-wys zsämegschtdande. Da chunnt der Gmeinspresidant uf se zue, git dem Tockter d Hand u danket iim. U d Bri-gitte, der Tageszeiger vom Dörfli, seit zu irer Nachbüri, der halbblinde Schtei-nerin: 'Das han ich gar nid gewüßt, daf die Bärner so guet chönnen schpile und derzue no so guet katholisch.'

Hans Grunder

Umlauf. An B. N.

Meinen letzten Umlauf habe ich mit Abszessin rasch weggebracht. Ein Bekannter von mir hat mit dem gleichen Mittel auch seine Angina er-folgreich bekämpft. Versuchen Sie es einmal damit. Guten Erfolg.

K. S.



Rhum Negrita

Weibel

Der Kragen für Jedermann. Kein Waschen, kein Glätten mehr
Fr. 5.— das Dutzend (inkl. Wust) 1 Stück 50 Rp.
Weibel-Kragenfabrik AG Basel 20
In Zürich eigenes Verkaufslokal: Uraniastrasse 16

Nächtliche Stadt

Man merkt im Lichte dieser hellen Stadt, Daf sie auch ihre dunkeln Stellen hat.

fis

HOTEL ACKER
WILDHAUS

Für Ihre Erholung, Ihren Familienanlaß das Beste
aus Küche und Keller. Bescheidene Preise!
Bes.: Familie Dr. Hilty-Forrer Telefon (074) 74221